

نشوان زید علی عنتر

سجل أنما فداي

سجل أنا فدائي

(مسرحية)

بقلم :

نشوان زيد علي عنتر

٢٠١٨م

المشهد الأول

(تفتح الستارة)

(يظهر على الخشبة ديكور شقة رجل الأعمال الإسرائيلي دافيد سمحون في تل أبيب على الطراز الحديث عام ١٩٧٣م ، و يظهر أيضا الجاسوس المصري رأفت الهجان المتكرر بشخصية دافيد سمحون يستمع إلى المذياع و لا سيما إذاعة القاهرة بصوت مذياعها المخضرم وجدي الحكيم)

(هنا القاهرة ، تمكنت قواتنا المسلحة من عبور الضفة الغربية من قناة السويس و إقحام خط بارليف الشهير و مطاردة قوات العدو الصهيوني المرابطة حوله في السادس من أكتوبر من عامنا هذا ، و سنوافيكم بتفاصيل أخرى عن المعارك الدائرة على طول إمتداد الجبهة في نشراتنا القادمة ، هنا القاهرة (مارش عسكري مصري))

رأفت (يرقص من الفرحة في سره) : الله أكبر ! أخيرا إنتصرنا ، إنتصرنا!!!!!! (في تلك الأثناء ، يدخل إلى الخشبة فجأة رجل يدعى نعمان البشري)

نعمان : فعلا إنتصرنا يا روفه ، و كل ده بفضلك أنت .

رأفت (يتوقف عن الرقص و الفرحة خوفا و رعبا من قدومه
المفاجئ إليه) : بسم الله الرحمن الرحيم !! سلام قولا من رب
رحيم !! سلام قولا من رب رحيم !! أنت مين؟؟ و دخلت هنا
إزاي؟؟ و عايز إيه ؟!!!!

نعمان (يجلس على الأريكة المقابلة) : أنا مين و دخلت هنا
إزاي و عايز إيه هاشرحهملك بس بعد ما أشرب معاك شاي
في الخمسينة

رأفت (يجره من الأريكة المقابلة غاضبا) : قم فز و كلمني يا
جدع إنت ، إنت مين و عايز إيه و دخلت هنا إزاي؟

نعمان : يا سيدي أنا صاحبك من أيام الطفولة في دمياط
نعمان البشري ، و جتلك هنا عن طريق البريد المستعجل .

رأفت : إحنا هانهرج !؟

نعمان : أما باهرجكش يا صاحبي ، أنا جيتلك هنا عن طريق
أحلامك وإنت صاحبي .

رأفت : نعم ؟!

نعمان : نعم الله عليك يا سيدي .

رأفت : و كمان لك نفس تهزر ؟

نعمان : أبدا والله ، أنا بتكلم بجد ، و اللي قلتهولك دلوقتي هي الحقيقة بذات نفسها .

رأفت : حقيقة أيه اللي بتكلم عنها ؟!

نعمان : الحقيقة اللي بتقول إني ضميرك الخفي اللي معاك من يوم ما تولدت لغاية دلوقتي .

رأفت : لا والله ؟! ده على أساس إنك عارف كل صغيرة و كبيرة فيها ؟!!

نعمان : أيوه بالضبط .

رأفت : و عارف كمان إني تولدت في دمياط من مراته الثانية لأبوه تاجر المانيفاتورة بعد أختي شريفة و عشت أحلى أيامي في خيريه و عزه و نعيمه قبل ما أخسر ده كله بعد ما مات و بقيت تحت رحمة إخواني الكبار من مراته الأولانيه اللي حرموني من كل حاجه حتى من دراستي؟ (نعمان يسكت)

..... ما تتكلم قول ؟! ساكت ليه ؟!!

نعمان : اقولك إيه؟ الكلام اللي قلته صح فيه في الميه ، و عارف كمان انهم باقوا ندمانين على عمايلهم السودا فيك و في شريفة و عايزين يعتذرولك و تسامحهم .

رأفت : أسامحهم على إيه و لا على إيه ؟ دول دمروا
مستقبلي و بوظوا حياتي و بقيت صايع بسببهم ، و جاين
حضراتهم لغاية هنا طالبين مني السماح ! حاجة تضحك !!

نعمان : أديك قلتها ، جاينين لغاية هنا طالبين منك السماح .

رأفت : يعني إيه ؟ أنا مش فاهم قصدك إيه ؟!

نعمان : أقصد إن إخوانك الكبار هنا فعلا و عايزينك
تسامحهم على اللي فات .

رأفت : نعم ؟! إنت شارب حاجة ؟!!

نعمان : أبدا و الله ، و إذا مش مصدقني حاندهلهم قدامك
دلوقتي .

رأفت : تندهلهم ؟!! (يقوم نعمان بمناداة أشقاء رأفت الهجان
الكبار عبدالله و عبدالحميد و مرسى فيدخلون إلى الخشبة
تباعا أمام دهشة أخيهم الصغير من رؤيته لهم) بسم الله
الرحمن الرحيم !! عبدالله و عبدالحميد و مرسى هنا في تل
أبيب ؟! طب إزاي ؟!!

نعمان : إزاي ديه دي شغلتي أنا بقى .

رأفت (يمسك بخناقه) : إنت إيه يا بني آدم ؟! جني و لا
عفريت ؟!!

نعمان : ما أنا قتللك من الأول ضميرك الخفي .

رأفت (يترك خناقه) : ضمير إيه اللي بيعمل العمايل دي كلها
؟! ده لو كان جبريل عليه السلام بذات نفسه ما يعملهاش
علشان واحد زيي و لوجه الله ؟

عبدالله : هو أنت قليل يا أبو السباع ؟ دا أنت شرفتنا و رفعت
رأسنا .

رأفت : أنا ؟!

عبد الحميد : أيوه أنت ، حد يعمل زيك و يخش النار عشان
بلده ؟ و ضد مين ؟ ضد أوسح بلد في العالم إسرائيل ؟

مرسي : دا أنت عملت المعجزات و رقصتهم على الشناكل يا
جدع .

رأفت : دلوقتي عرفتم قيمتي يا أولاد أبويه يا إخواني الكبار

من لحمي و دمي ؟

عبدالله : ما أنت عارف يا رأفت ، إحنا كنا فاكرينك واد صايع
مش فالح في أي حاجة

رأفت : أنتم اللي خليتونني كده أنتم السبب ، طلعتوني من
المدرسة بدري من غير ما أكمل تعليمي و لا خليتونني أشتغل
في ملك أبويه اللي حرمتوني أنا و شريفة من نصيبنا في ميراثه
و شردتوني و ذليتونني من غير رحمة و لا شفقة ، و كل ده ليه
؟ عشان انا أخوكم من مرات أبوكم الثانية ، مش كده ؟

عبدالحميد : حق علينا يا رأفت ، حق علينا .

مرسي : و إحنا مستعدين نصلح غلطنا فيك و نراضيك كمان
.

رأفت : بعد إيه يا اخوانا ؟ بعد خراب مالطا ؟ بعد ما الفاس
وقعت في الراس ؟ ما خلاص ، فات الأوان و مبقاش ينفع فيه
الندم (موسيقى صاخبة) .

(تنزل الستارة)

المشهد الثاني

(تفتح الستارة)

(يظهر على الخشبة ديكور شركة ماغي تورز السياحية في تل
أبيب و رأفت الهجان و معه نعمان البشري)

نعمان : إيه مالك يا صاحبي ؟

رأفت : سييني في حالي يا جدع إنت ، أنا مش ناقصك إنت
كمان .

نعمان : الله ! هو أنا جيت جنبك ؟ كل الموضوع إنني شايفك
مهموم و عايز أطبب عليك ، أدي كل الحكاية .

رأفت : إنت عايز إيه بالضبط ؟ ما تحل عن سماي يا أخي .

نعمان : و انا عملت إيه لمؤاخذه ؟ هو عشان عايز اعرف
الناس بقيمة المهمة الوطنية العظيمة اللي بتعملها عشان البلد
ضد إسرائيل .

رأفت : و عشان تعرف الخلق باللي أعمله تفضحني قدام
الإسرائيليين عشان يقبضوا عليا ؟

نعمان : و مين قال لك انك حتتكشف ؟ عمرك إنكشفت من
وقت ما جيتلك ؟

رأفت : لا أبدا .

نعمان : عمرك إنكشفت من وقت ما جييتلك إخوانك الكبار ؟

رأفت : الشهادة لله لا .

نعمان : شفت يا رأفت شفت ؟ طول ما انت معايا إنت في الأمان ، أومال لو تعرف المفاجأة اللي أنا محضرها لك حتى تقول إيه ؟

رأفت : مفاجأة ؟! مفاجأة إيه ؟!! (يدخل محسن ممتاز^١ إلى الخشبة)

محسن : أنا يا رأفت .

رأفت : محسن باشا ؟!!!

محسن : إيه ؟ مفاجأة ؟

رأفت : هي من ناحية مفاجأة فهي مفاجأة من العيار الثقيل ، بس إزاي ؟!

^١ أحد مؤسسي المخابرات العامة المصرية عام ١٩٥٤م (المؤلف) .

محسن : جرى إيه يا ٣١٣ ؟ إنت ناسي إنحنا ضباط
مخابرات و ما نعرفش في شغلنا حاجة إسمها مستحيل و لا
إيه؟

رأفت : إنت حتقولي يا باشا ؟ ... أيوه بس مش لدرجة إنك
تسيب منصب الرفيع في الحكومة و تجي برجليك لغاية هنا
عشاني .

محسن : هو أنت قليل يا رأفت ؟ دا اللي عملته في خدمة
البلد رفع رأسنا لفوق .

رأفت : دا على اساس إنكم بتقدروني فعلا .

محسن : قصدك إيه ؟

رأفت : قصدي واضح يا سعت الباشا ، سنين و إنتم ساييني
مرمي في البلد الملعونة باشتغل لوحدي و لا حد فيكم سائل
عني إلا بعد طلوع الروح يتاخدوا اللي يعجبكم من شغلي و
اللي ما يعجبكمش تطنشوه أو ترموه في الزبالة حتى و لو كان
يهم البلد و يهم مصلحتها كمان ، و ما يهمكمش إتمسكت و
لا ما إتمسكتش لأنني ماليش وجود بالنسبة لكم المهم سمعة
المخابرات بتاعتكم اللي ما تعرفش الفشل أبدا .

محسن : رأفت !!!

رأفت : بلا رأفت بلا زفت ، دا أنتم خليتوها خل ، مش كفاية
إنكم تجاهلتم المعلومات بتاعتي اللي بأكد فيها بأن إسرائيل
حتهم على المطارات الحربية في سيناء يوم ٥ يونيو عام
١٩٦٧م ورفضتوها و عملتم و دن من طين و و دن من
عجين؟ مش كفاية إنكم أنكرتم وجودي بعد خلصت مهمتي و
فضلت بقية عمري باسم دافيد سمحون و ما رجعتش لبلدي
باسمي الحقيقي رأفت الهجان ؟

محسن : دا على اساس إن حضرتك كنت حاجة كبيرة في
البلد قبل ما نتعرف عليك ؟ إنت قبل ما نجندك كنت و لا
حاجة ، حنة شاب صايع ضايع يتصرمح في الكباريهات و
ينصب على مخاليق ربنا

رأفت : مش ذنبي أني بقيت كده ، مش ذنبي ، عيلتي و بلدي
هما اللي جبروني أمشي في السكة دي ، و إلا أنا كنت مجرد
موظف حكومي في شركة بترول على باب الله توظفت
بالتوجيهي و راضي باللي قسمه ربنا ليا .

محسن : دا ما يمنعش إنك صايع و ضايع و نصاب و حرامي
و يتصرمح في الكباريهات

رأفت : و ما دام إنك عارف العبر اللي فيا دي ، جندتوني و
شغلتوني جاسوس لحسابكم في إسرائيل ليه ؟

محسن : عشان نبعذك عن السكة البطالة و نشغلك شغلانة
تخدم فيها أهلك و ناسك و بلدك .

رأفت : عشان أخدم فيها أهلي و ناسي و بلدي و لا عشان
أكون كبش الفداء بالنسبة لكم ؟

محسن : كبش الفداء ؟! قصدك أيه ؟!!

رأفت : قصدي واضح يا محسن باشا ، قلتم في عقل بالكم
خلينا نجرب الواد ده كأول جاسوس يشتغل معانا بعد تأسيس
المخابرات بتاعتنا قبل سنتين من تجميعه و نرميّه في وش
المدفع يا صابت يا خابت ، لو صابت إسم المخابرات العامة
حينكتب بحروف من ذهب و تخش التاريخ من أوسع أبوابه ،
و لو خابت فالمخابرات العامة مش حتخسر أي حاجة لأنها
ما دخلتش التاريخ من أساسه و الراجل بتاعتها اللي حيوقع في
الفخ الإسرائيلي حتتبرأ منه و حتقول للعالم إنها بتشغلش
نصاب و حرامي دولي عندها و حيصدقوهم بالثلث ، لكن
نقبكم طلع على شونه و نجحت في مهمتي و أثبت لكم أنكم
و لا حاجة من غيري طول فترة الخمسة و عشرين سنة اللي

قضيتها في البلد الملعون دوت بعدما نقلت لكم أخبار
حكامها و أهلها الصهاينة بالمللي بوسايل مبتكرة ما يقدرش
جيش من الجواسيس المصريين و الإسرائيليين و الأمريكان و
السوفييت بجلالة قدرهم عليه ، و إنتم عارفين كده .

محسن : في ديه أنا أشهد لك ، ٨٠% من إنجازات
المخابرات العامة في فترة إقامتك هناك إنت عملتها و رفعت
بيها راسنا لفوق بعد ما ضعيناها في شغل زوار الفجر^٢ و
البطش البوليسي للمعارضين السياسيين للنظام و رميهم في
السجون و المعتقلات و تعذيبهم الوحشي ليهم عشان يعترفوا
غصب عنهم أو يموتوا على أيدينا ، و دا اللي خلاني أجيلك
دلوقتي لغاية هنا مع صاحبك نعمان البشري .

رأفت : يهووه ، نعمان برضو ؟!

نعمان : و ما له نعمان ؟ ما يعجبش و لا ما يعجبش ؟

رأفت : يا شيخ إتلهي بقى يا محسن باشا جيت
بجلالة قدرك لغاية هنا عشان تعترف بفضل خدماتي عليكم و
على البلد ؟! مش ممكن ؟!!

^٢ لقب يطلق على ضباط المخابرات الذين يقتحمون منازل المعارضين للنظام الحاكم و يعتقلونهم فجرا (المؤلف) .

محسن : لا ممكن ، دا أنت قدرت تعمل عمايل ما قدروش
جواسيسنا اللي قبليك و اللي بعديك يعملوها ، دا أنت كنت
المراية الي شفنا منها إسرائيل و حكامها و شعبها الملاعين
على حقيقةتهم الزبالة و كشفت لنا عشرات الشبكات
الجاسوسية التابعة للموساد جوا البلد و براها و من بينها شبكة
ايلي كوهين اللي تقبض عليه و إعدام في سوريا عام ١٩٦٦م
، قيمتك يا رأفت ما تتقدرش بضمن .

رأفت : و ما قدرتوهاش ليه في ١٩٦٧م ؟

محسن : غصب عنا يا رأفت ، صدرت لنا أوامر عليا من
فوق و خصوصا من الرئاسة^٣ بأننا ما نهتمش بمعلوماتك
الخاصة بمعاد الحرب و الهجوم الإسرائيلي على مطاراتنا
الحربية في سينا في خمسة يونيو و حطها في الزبالة ، أدي
كل الحكاية .

رأفت : يبقى المشكلة اللي عندنا جايه من فوق ، فوق اللي
ما يفكرش غير في روحه و تنفيذ الناس اللي بيحكمهم
لأوامره العليا حتى و لو كانت غلط و ضد مصلحتهم و
مصلحة بلدهم المهم إنهم يثبتوا ولاءهم ليه أيا كانت الأسباب
المبررات ، و فوق كل ده الناس عندنا بدل ما يحاكموه على

^٣ يقصد الرئيس جمال عبدالناصر آنذاك (المؤلف) .

جرايمه اللي عملها فيهم يبرأوه من التهمة و يخلوه يفضل في
الكرسي بتاعه لغاية ما يوديهم في ستين داهية مرة ثانية ، و
على رأي المثل (يا فرعون من فرعنك ؟ قال ما لقيتش حد
يلمني) .

(تنزل الستارة)

المشهد الثالث

(تفتح الستارة)

(يظهر على الخشبة ديكور شاليه مملوك لدافيد سمحون على شاطئ كابيريا في نابولي الإيطالية ، و يظهر فيه أيضا رأفت الهجان و نعمان البشري يتناولان الكابتشينو^٤)

نعمان : مالك يا رأفت ؟ سرحان في ايه ؟ ما تقولي يا راجل ؟

....

رأفت : جرى ايه يا جدد انت ؟! انت مش تحل عن سماي أبدا ؟!!

نعمان : ما اقدرش يا صاحبي ما اقدرش ، و انت بالحالة ديه مهموم و زعلان على الآخر ما اقدرش ، لازم أحل مشكلتك دلوقتي .

رأفت : هه ، دا على أساس إنك بالناس اللي جبتهم قبل شويه لغاية عندي في إسرائيل رفعت روعي المعنوية يا خي ؟

نعمان : مش بس كده ، دا انت عرفت منهم قيمة نفسك و قيمة العمل العظيم اللي بتعمله اليومين دول و حترفع بيه إسم بلدك لفوق فوق قوي .

^٤ قهوة إيطالية مشهورة مصنوعة من البن الغامق و الكريمة (المؤلف) .

رأفت : و ايه الفايدة يا نعمان ما دام حيطلع في الآخر كله
بلح ؟

نعمان : بلح ؟

رأفت : ايوه بلح .

نعمان : و ايه اللي يخليك تقول كده ؟

رأفت : الحرب الأخيرة اللي حصلت دلوقتي في ستة أكتوبر
و كنت فاكرها حتكون آخر الحروب بينا و بين ولاد الكلب
الصهاينة دول و تتحرر سينا و القدس و فلسطين و الجولان
من ايديهم و تقضي على دولتهم و نرميهم في البحر و نخلص
من كابوسهم للأبد ، أتاري طلعت حكاية الحرب دي فاضية .

نعمان : يعني ايه ؟!!

رأفت : يعني كل الهوليلة و الإنتصارات الجبارة ضد
الإسرائيليين في البر و البحر و الجو و خليتهم يهربوا من
قدامنا زي الفيران اللي عملها الجيش بتاعنا هو و زميله
الجيش السوري طلعت على فشوش ، و في الآخر ما حرروش
غير شبرين في سينا و شبرين في الجولان و بقية الأراضي
المحتلة لسه بايد إسرائيل لغاية دلوقتي .

نعمان : و هو ده اللي مزعلك قوي ؟

رأفت : اللي مزعلني بجد في الموضوع دوت المعلومات اللي راحت على الفاضي بعدما بعثتها للمخابرات العامة و ما استفادوش منها بحاجة ، و يا ريتها وقفت على كده ، دول وقفوا حربهم ضد إسرائيل عشان يدولها الفرصة و تعمل هجوم مضاد بمنتهى الجبن و الغدر زي عواديهم عليهم و تحول هزيمتها لنصر كبير قوي .

نعمان : مش للدرجة دي يا ابو علي .

رأفت : لا للدرجة دي و أكثر ، أنا مش فاهم الرؤسا و القادة بتوعنا بيفكروا ازاى ؟ مرة يدخلونا في حرب مع ثلاث بلدان حنة واحده في ٥٦ ° و احنا مش جاهزين ليهم و مع ذلك إنتصرنا عليهم بضربة حظ ، و مرة عارفين إن إسرائيل حتهجم علينا و على مطاراتنا الحربية في سينا يوم ٥ يونيو من ٦٧^٦ و مع ذلك ما عملناش حاجة و لا ردنا عليهم و لا قلنا بم و سلمناهم سينا و الجولان و الضفة الغربية و قطاع غزة و القدس و جنودنا و أسلحتنا ليهم على طبق من ذهب ، و المرة دي حولو حرب أكتوبر^٧ من حرب تحرير لحرب

^٥ العدوان الثلاثي على مصر أو أزمة السويس في المصادر الغربية عام ١٩٥٦م (المؤلف) .

^٦ نكسة ٦٧ أو هزيمة حزيران في المصادر السورية أو حرب الأيام الستة في المصادر الغربية عام ١٩٦٧م (المؤلف) .

^٧ حرب ٦ أكتوبر أو العاشر من رمضان في المصادر المصرية أو تشرين في المصادر السورية أو يوم الغفران في المصادر الغربية عام ١٩٧٣م (المؤلف) .

تحريك عشان يرضو الناس عندنا بعد ما زهقوا من التسويف و
التأجيل و عايزين يحاربو بأي ثمن و لا كأننا في ماتش^٨ كورة
و عايزين نعوض خسارتنا الثقيلة في الماتش الجاي (نعمان
يضحك) بتضحك؟ طبعاً و انت همك ايه؟ حاطط ايدك في
الميه الباردة و مش حاسس بالنار القايدة جوايا .

نعمان : ماتقولش كده يا راجل ، أنا حاسس بيك و باللي
جواك ، و عارف كمان أن الحكومة بتاعتك ما كانتش بتقدر
خدماتك العظيمة للبلد طول فترة التسعة عشر سنة اللي
قضيتهم جوا إسرائيل مكتوي بنار الغربية وسط أهلها
المنخولية^٩ اللي لازم يتحطو كلهم في مكانهم الطبيعي جوا
السرايا الصفراء^{١٠} .

رأفت : اديك قلتها يا نعمان ، ما حدش قدر اللي باعمله في
سبيل البلد دي لغاية دلوقتي .

نعمان : و مع ذلك يا صاحبي فيه كثير من الناس جوا مصر و
براها لسه بيقدروا أعمالك البطولية جوا إسرائيل لغاية دلوقتي .

رأفت : لا و الله؟ و حا تجيب مين المرة دي يا سي نعمان؟
أوعى تقولي موشيه ديان الله يخرب بيته؟

^٨ كلمة فرنسية تعني المباراة (المؤلف) .

^٩ من الأمراض العقلية و النفسية المزمنة (المؤلف) .

^{١٠} لقب مستشفى المجانين أو الأمراض العقلية و النفسية لدى المصريين (المؤلف) .

نعمان : و عرفت ازاي ؟

رأفت : يا نهارك اسود !!؟ انت اكيد بتهزر !!؟ موشيه ديان
مين اللي حتجبيه هنا !!؟ انت عايز توديني في داهية ؟!!!!

نعمان : يا سيدي ما تخافش ، لا تحروح في داهية و لا
يحزنون ، إذا كنت انت قابلت إخواتك الكبار جوا إسرائيل و
محسن ممتاز جوا إسرائيل و ما إنكشفتش حتتكشف لما
تقابل موشيه ديان الله يخرب بيته في إيطاليا ؟ اطمن يا
صاحبي اطمن ، طول ما انت معايا مش حتتكشف (يشير بيده
اليسرى إلى الكواليس اليسرى من الخشبة) إتفضلوا يا اخوانا

.....

رأفت : يا اخوانا ؟! الله !!؟ هو واحد و لا ثلاثة !!؟ (ما إن
يرى موشيه ديان و من بعده شارون و راماي ايتان حتى يشهر
مسدسه القلم^{١١} نحوهم فيرفعون أيديهم إلى أعلى خوفا منه)

نعمان : ايه اللي بتعمله ده يا رأفت ؟

رأفت : انت ما قولتليش إنه حيحي و معاه ناس ثانيين و من
بينهم اللي الكلب الحيوان اللي اسمه شارون .

نعمان : ما أنا حبيت أعملها لك مفاجأة يا صاحبي .

^{١١} نوع من أنواع المسدسات الصغيرة الحجم بحجم الكف (المؤلف) .

رأفت : مفاجأة ؟ انت بتهزر ؟ جايلي أوسخ خلق الله لحد
عندي ؟

شارون : من فضلك إحترم نفسك يا جدع انت .

راماي إيتان : ايوه ، احترم نفسك

رأفت : انتو تخرسو خالص انتم الإثنين (يطلق الرصاص على
ساق شارون الأيمن فيصيبها فيولول شارون باكيا كالنساء قبل
أن يضع رأفت فوهة مسدسه على رأسه و يجبره على الصمت
فيصمت ، و عندما حاول راماي إيتان الفرار من رأفت يطلق
عليه الرصاص على ظهره فيقع جريحا على الخشبة باكيا
كالنساء أيضا قبل أن يصمت بعدما صرخ عليه مهددا و
متوعدا) .

موشيه ديان : لا ، دا انت مجنون رسمي (يطلق رأفت
الرصاص على ساقه الأيمن بلمح البصر و يصيبه إصابة شديدة
للغاية ، فيولول موشيه ديان باكيا كالنساء قبل أن يصرخ رأفت
عليه بالسكوت فيسكت) .

نعمان : انت تجننت يا رأفت ؟ من أولها ترفع المسدس في
وشهم ؟

رأفت : ابقى مجنون بصحيح لو ماقتلتهمش دلوقتي و انت
معاهم يا جوز الأخص .

نعمان : ياه ! للدرجة دي ؟!

رأفت : و أكثر ، يعني ما لقيتش من سكان إسرائيل المجانين
يقدرؤا جهودي غير الثلاثة دول !!؟

نعمان : و لسه فيه واحد جاي في السكة .

رأفت : كمان ؟! و يطلع مين بسلامته بقى إن شاء الله ؟!
(في تلك الأثناء ، يدخل إلى الخشبة إسحاق رابين) مش
ممکن ؟!

نعمان : و مش ممكن ليه ؟! مع صاحبك نعمان تقدر تحقق
المستحيل اتفضل يا سعادة السفير .

إسحاق : أرجو إني ما تأخرتش عن المعاد .

رأفت : بالعكس ، دا انت جيت في معادك بالضبط (يطلق
الرصاص على إسحاق رابين الذي يسقط مضرجا بدمائه على
الخشبة و يولول كالنساء)

نعمان : يا نهار اسود ؟! ايه اللي عملته ده الله يخرب بيتك
(يسرع نحو إسحاق و يسعفه بعدما أسعف موشيه ديان و

شارون و راماي إيتان من قبله) حَقك عليا يا سعادة السفير
حَقك عليا ، ما كانش يقصد .

إسحاق : حق عليا ايه يا راجل ؟ يعني نيجي من أمريكا لحد
عندكم حسب المعاد تقومو تعملو فينا كده ؟

نعمان : ما انا قتللك يا سعادة السفير ماكانش يقصد ، كل
الحكاية و ما فيها إنه زعلان قوي من اللي عملتوه في حرب
٦٧ .

موشيه ديان : يا سلام ؟ و ايه اللي مزعله بقى إن شاء الله ؟
عادي .

رأفت (يتقدم غاضبا نحو موشيه ديان و شارون و راماي إيتان
و إسحاق رابين الذين يختبئون خلف ظهر نعمان صارخا في
وجوهم و شاهر مسدسه فيهم) عادي ؟! بتقول عادي ؟!! يا
بجاحتك يا اخي ! بقى ما كنت قادر تحارب جيشنا في ٥٦
و ٦٧ و تواجه جنودنا الشجعان اللي انت و عساكر الجنا
و خايفين من محاربتهم لغاية دلوقتي تجي حضرتك عملي
فيها بطل مزيف ؟ و على حساب مين ؟ على حساب الأبرياء
اللي قتلتهم و دفنتهم ظلم في سينا و هم ما عملوكش حاجة
؟ لكن الحق مش عليك ، الحق على دولتنا اللي سلمتكم

جنودنا و أسلحتنا و أرضنا ليكم على طبق ذهب عشان
تسرحو و تمرحو فيهم بمنتهى الخسة و الندالة و الجبن و
الغدر و من غير حرب و لا ضربتم فيها رصاصة واحدة ، صح
و لا أنا غلطان ؟

موشيه ديان : صح .

رأفت : طب ليه ؟

شارون : عشان نحمي نفسينا منكم (يعود إلى مكانه خلف
ظهر نعمان مجددا خوفا من رأفت)

رأفت : نعم يا خويا ؟ انت هاتهرج ؟ هو عشان تحمي نفسك
منا تقتل الأسرى بتوعنا يا كلب يا ابن الكلب و في السر و
مستخبي زي الحرامية ؟ ما ترد يا جبان ردت الميه في زورك !

شارون : يوووه ، احنا كنا بنفذ الأوامر و بس .

رأفت : هي ايه حكايتك بالضبط يا جدع انت ؟ بالأول
عملتلي فيها عنتر زمانك و إنك قتلتهم من غير رحمة أو شفقة
عشان تحمي بلدك إسرائيل من شرهم و دلوقتي عامللي فيها
غلبان و حمل وديع و إنك إنجبرت على قتلهم تنفيذ للأوامر
اللي جايا لك من فوق ؟ انت فاكرني كورديا^{١٢} ؟ ما ترسالك

^{١٢} غبي باللهجة المصرية (المؤلف) .

على بر ماشي ، انت قلت إنك قتلتهم للأوامر و بس ،
أوامر مين بالضبط ؟

شارون (يشير إلى راماي إيتان) : أوامر راماي إيتان .

راماي إيتان : نعم يا ضالايا^{١٣} ؟ أنا ماليش دعوة (يشير إلى
إسحاق رابين) دي أوامره وقت ما كان قائد للجيش .

إسحاق رابين : و أنا مالي يا خويا (يشير بيده إلى موشيه
ديان) دي أوامره وقت ما كان وزير للدفاع .

موشيه ديان : هو أي حاجة غلط بتعملوها لازم تدبوسهالي ؟
مش كفاية انكم حملتوني مسؤولية الهزيمة في الحرب الأخيرة
و انتم السبب في ده كله ؟ (يتشاجر مع إسحاق رابين و
شارون و راماي إيتان قبل أن يطلق رافقت الهجان الرصاص في
الهواء فيسكتوا جميعا كأن على رؤوسهم الطير خوفا منه)

رافقت : بس ، مش عايز أسمع صوتكم خالص ، و ياالله
تفضلوا من هنا من غير مطرود جاتكم القرف ياالله
(يندفع موشيه ديان و إسحاق رابين و شارون و راماي إيتان
خارج الخشبة خوفا منه أمام دهشة نعمان من تصرفه العنيف
نحوهم دون أن ينطق بأدنى شفة) إيه ده ؟ يا ساتر ؟ دول مش

^{١٣} الطفل الصغير باللهجة المصرية (المؤلف) .

بني ادمين خالص و لا ينحسبو ضمن جنس البشر أبدا ، دول
ما يخوفوش نملة أبدا لدرجة أن أتفه دولة في العالم تهجم
عليهم حتى تقضي عليهم و على دولتهم المزروعة غلط في
فلسطين ، و مع ذلك بنخاف منهم و نعمل لهم ألف حساب
! ازاى ؟ مش عارف ، و في الآخر جايبهم يا نعمان لحد هنا
عشان يقدرُوا خدماتي الكبير في سبيل بلدي ضدّهم ؟! الله
الغني عنهم و عن شهاداتهم المزورة دي ، عارف ليه ؟ عشان
الإسرائيليين أو اليهود الصهاينة دول حرامية متوحشين جناء و
مجانين منخولية و كذابين بإسم التاريخ و الدين اليهودي اللي
ما يعترفوش بيه و لا يعرفو عنه أي حاجة و خدام أسيادهم
الخوارجات اللي ذلّوهم و إستعبدوهم و قتلو منهم الملايين
خدمة العبد للسيد و بينفذو أوامرهم ضدّ الفلسطينيين اللي ما
أذوهمش و لا إضطهدوهمش و عاملوهم معاملة النبي ادمين
المحترمين و و حافظو على كرامتهم من الذلّ و الهوان بطيبة
قلوبهم الزيادة عن اللزوم ، و عايزني بعد كل ده اعتمد على
شهادتهم الزور عني ؟

نعمان : في ديه عاداك العيب المرة دي يا صاحبي ، داهية لا
ترجعهم .

(تنزل الستارة)

المشهد الرابع

(تفتح الستارة)

(يظهر على الخشبة ديكور فخم من الطراز القوطي لشقة
دافيد سمحون في هامبورغ الألمانية حيث يتناول رافت
الهجان مع نعمان البشري العشاء فيه)

رافت (ينهض من مائدة الطعام المستديرة الصغيرة الحجم) :
الحمد لله .

نعمان : الله ! انت ما اكلتش حاجة يا راجل .

رافت (يشعل سيجارة) : ماليش نفس .

نعمان : في ايه يا رافت ؟ بقالك يومين عالحال ده ، مش
عوايدك يعني ؟

رافت (يشرب كأسا من النبيذ^{١٤}) : مافيش حاجة .

نعمان : يعني ايه مافيش حاجة ؟ أنا شايفك زعلان و مهموم
عا الاخر ، قلبي في ايه ؟

^{١٤} خمر فرنسي غير مركز و مليء بالشوائب مصنوع من العنب البنفسجي المعروف لدينا نحن اليمنيين بالعنب العاصمي (المؤلف) .

رأفت (يضع كأس النبيذ على طاولة البار بعنف و يصرخ في وجهه غاضبا) : الله ؟! يا اخي باقولك مافيش حاجة ، ايه ؟ هو بالعافية ؟

نعمان (يربت على كتفه) : براحتك يا صاحب يا صاحبي براحتك ، أنا حاسيك تراح شويه و بعدين حاجيلك ، عن إذنك

رأفت (يمسك بذراعه الأيسر) : استنا يا اخي ، متبقاش حمقي و خلقلك ضايق و استحملني الشويتين دول ، اذا ما كنتش حتستحملني في غربتي و وحدتي اليومين مين حيستحملني غيرك ؟ احنا في النهاية يا نعمان بقينا أصحاب ، و لا ايه ؟ (يربت على ذراعه الأيسر) أقعد يا اخي أقعد (يبتسم نعمان له و يجلس) .

نعمان : ماشي يا عم ، مش حازعلك ، بس لازم تطلع اللي جواك و تفضفضلي جايز أساعدك فيه مادمننا بقينا أصحاب قوي بالشكل ده .

رأفت : و الله يا صاحبي أنا حاسس ان اللي عملته في إسرائيل طول السنين اللي فاتت طلع عالقاضي .

نعمان : و ايه الجديد في ده ؟

رأفت : الجديد يا صاحبي اني حافضل طول عمري غريب
هناك زي ما كنت غريب في بلدي أيام الفقر و الصعلة و
الضياح ، و سواء عملت حاجة وحشة أو كويسة لبلدي
حافضل في نظر الناس بتوعنا غريب عنهم و متقمص شخصية
دافيد سمحون لغاية ما أموت .

نعمان : و رأفت الهجان ؟

رأفت : مجرد شخصية وهمية عديمة الفائدة وجودها زي
عدمها .

نعمان : و مين قال الكلام الفارغ ده ؟

رأفت : بلدي يا نعمان بحكامها و ناسها اللي نسيو كل حاجة
عملتها للوطن و تنكرو للجميل و المعروف اللي عملته ليهم ،
إذا كان دافيد سمحون اللي أنا متقمص شخصيته لغاية دلوقتي
الإسرائيليين بشيلو من الأرض شيل و بيكرموه آخر كرم لانه
واحد منهم حتى بعد ما عرفو انه نصاب و حرامي و منتحل
شخصية ليفي كوهين ، عكس أهل بلدي اللي لحد دلوقتي
لسه بيعاملوني معاملة الغريب سواء كنت العميل ٣١١ و لا
شخص عادي زي الناس .

نعمان : كلهم ؟

رأفت : ايوه ، كلهم ؟

نعمان : بمن فيهم أختك شريفة ؟

رأفت : لا ، إلا شريفة .

نعمان : ايشمعنى ؟

رأفت : و ده سؤال تسأله يا نعمان ؟ شريفة دي حاجة ثانية خالص .

نعمان : عشان أختك الصغيرة .

رأفت : مش أختي الصغيرة و بس ، دي بنتي و أمي و عيلتي و بلدي كمان .

نعمان : ياه ، للدرجة دي ؟

رأفت : و أكثر ، دي هي الوحيدة اللي صدقتني و وقفت جنبي في الوقت اللي الناس وقفو فيها ضدي و قالو عني اني نصاب و حرامي و ما انفعش لأي حاجة

نعمان : حيلك حيلك اومال ، ما ناقص تقول عنها قصيدة شعر

رأفت : قصيدة شعر ؟ دي تستاهل أكثر من كده ، ده باحبها أكثر من روحي ، و عشان كده رايتها يهمني قوي في اي حاجة

باعملها في الدنيا دي و خصوصا في الوضع اللي انا عايش فيه ، لو قالت صح عليها حيكون اسعد يوم في حياتي و لو قالت عليها غلط حيكون دا اخر يوم في عمري .

نعمان : و لو قلت لك حاجيبها لك لغاية هنا حتقول ايه ؟

رأفت : حاقول لك انك افضل و احسن واحد في العالم .

نعمان : ماشي يا عم (يشير بيده اليمنى إلى الكواليس)
تفضلي يا مدام شريفة (تدخل شريفة الهجان إلى الخشبة
فيندهش رأفت مما رآه) ايه رايك بقى ؟

رأفت (يندفع نحو شريفة و يحتضنها بحرارة بالغة اثار
دهشتها) : شريفة !! وحشتيني يا غالية .

شريفة : و انت كمان وحشتني قوي قوي .

رأفت : ازيك و ازي الأولاد ؟

شريفة : بخير و الحمد الله و بنسلم عليك ، و انت ازيك ؟

رأفت : بخير و الحمد الله .

شريفة : مش باين ، انا شايفاك زعلان و مهموم عا الاخر ! ايه
الحكاية ؟

رأفت : ما هو الموضوع اللي كنت عايز اكلمك فيه .

شريفه : بخصوص شغلك في المخابرات العامة ، مش كده ؟

رأفت : عرفت ازاي ؟!

شريفه : مافيش حاجة بتستخبي في البلد دي ، نعمان قاللي على كل حاجة .

رأفت (ينظر بشزر إلى نعمان الخجل من نفسه) : انت ما تتحطش في بقك فوله ؟ خليني اشرح لك الموضوع

شريفه : تشرح لي ايه يا رأفت تشرح لي ايه ؟ يعني طول السنين دي كلها كنت مخبي عليا حكاية شغلك في المخابرات ؟

رأفت : اديك قلتيها شغال في المخابرات ، يعني شغلنا اساسه السرية التامة مش لازم اي حد يعرف باللي نعمله .

شريفه : حتى و لو كان الحد ده اختك و توأم روحك شريفه ؟ اخص عليك يا رأفت ، ازاي تخبي عليا حاجة زي دي ؟ دي حاجة تفرحني قوي .

رأفت : اني بقيت جاسوس شغال لحسابهم ؟

شريفه : قصدك بقيت راجل بمعنى الكلمة يعتمد عليك في مهمة خطيرة زي دي جوا إسرائيل طول السنين كلها .

رأفت : و ايه الفائدة يا شريفة و مافيش حد في البلد دي
معبرني و لا مقدر مجهوداتي الكبيرة هناك ؟

شريفة : مش مهم هما ، ما دمت انا معاك و باقدر تعبك اللي
ما عملوهاش غير الفدائيين في خدمة الوطن ده مش كفاية و
لا ايه ؟

رأفت : و دي حاجة تتقال ؟ دا رايك كفاية و زيادة و هما
يغورو في ستين داهية .

شريفة : مش قوي كده يا حبيبي .

رأفت : لا بجد ، انا ما يهنيش في الموضوع ده غير رايك و
بس .

شريفة : ماشي يا حبيبي ، و عشان رايب يهملك لازم تعرف
انك مش انت المصري الوحيد اللي بيخدم بلده بإخلاص من
غير ما يلاقي التكريم و التقدير من اهلها و حكامها ، فيه
زيك كثير بيخدموها في كافة المجالات بمنتهى الحب و
الإخلاص جواها و براها من غير ما يستنوا اي تقدير او تكريم
مادي او معنوي من حد رغم ان ده من حقهم ، عارف ليه ؟
لأنهم عايزين كده و يحسوا بالراحة و السعادة و هما
بيخدموها من غير مقابل .

رأفت (يشير بسبابته اليمنى إلى وجه شريفة المفزوع منه مؤقتا)
: هي دي الكلمة اللي كنت بادور عليها من زمان .

شريفة : كلمة ايه يا رأفت ؟

رأفت : حب الوطن كما لو كانت والدتك بمنتهى الإخلاص
مهما كان الثمن ، انا دلوقتي يا شريفة و يا نعمان عرفت ان
اللي عملته في خدمة بلدي طول السنين دي كلها ما راحش
هدر ، مش مهم الاقي التكريم او التقدير او الفلوس او
منصب كبير في الدولة او مقابل من اهلها او حكامها ما دمت
باحبها لوجه الله حب رباني شريف ، دا كفاية ان حبي الشديد
ليها خلالي قيمة في الحياة ديه بعد ما كنت صايع و ضايع و
انضرب بالجزمة القديمة (يشير بيده إلى الجمهور) و هو انا
باقولها لكم بأعلى صوتي و قدام الدنيا دي كلها ، سجل يا
تاريخ انا فدائي ، سجل انا فدائي ، سجل انا فدائي (نعمان و
شريفة يرددان مع رأفت الهجان عبارة (سجل أنا فدائي) تحت
وقع السلام الجمهوري المصري أربع مرات حتى نهاية
المسرحية) .

(تنزل الستارة)

(تنتهي المسرحية)

شخصيات المسرحية :

رأفت الهجان : عميل المصرية العامة و يعرف بدافيد سمحون
أو ليفي كوهين أو العميل ٣١١ .

نعمان البشري : ضمير رأفت الهجان .

عبدالله : شقيق رأفت الهجان الأكبر .

عبد الحميد : شقيق رأفت الهجان الأكبر .

مرسي : شقيق رأفت الهجان الأكبر .

محسن ممتاز : أحد مؤسسي المخابرات المصرية العامة و
قائد رأفت الهجان و مدربه الذي قام بتجنيدده في المخابرات

.

شريفة : شقيقة رأفت الهجان الصغيرة .

موشيه ديان : وزير الدفاع الإسرائيلي .

شارون : رئيس الوزراء الإسرائيلي (٢٠٠١-٢٠٠٥م) و وزير
الدفاع الإسرائيلي (١٩٨٠-١٩٨٢م) .

راماي إيتان : أحد قادة الجيش الإسرائيلي خلال حرب
١٩٦٧م .

إسحاق رابين : رئيس الوزراء الإسرائيلي (١٩٧٤-
١٩٧٧م/١٩٩٢-١٩٩٥م) و قائد الجيش الإسرائيلي
خلال حرب ١٩٦٧م و سفير إسرائيل لدى أمريكا
(١٩٦٧-١٩٧٤م) .